



Synfocity = 803

mail us at : mzsynfo@gmail.com; mizoramsynod@gmail.com - Phone - 2314648

February 18, 2021

☐ **Synod Finance Committee vawi 136-na**

Synod Finance Committee vawi 136-na chu February 17, 2021 (Nilaini) khan J.M. Lloyd Hall, Synod Office-ah an thukhawm a, meeting-ah hian Aizawl khaw pawn member 25 leh Aizawl khawpui chung member 24 an tel a; an vaiin mi 49 an tel a ni.

Committee hi Synod Moderator Rev. Dr. C. Lalhlira'n a kaihuai a, Secretary leh Finance Officer Report ngaihthlak a ni. Report-ah hian April 2020 - January 2021 inkara sum dinhmun te, kum hmasa lam nena sum khaikhinna te, Bial hrang hrang thawhlawm thehluh dan te ngaihthlak a ni.

Tun tum Finance Committee-ah hian Agenda 3 awmin kum 2020 - 2021 atana Chartered Accountant ruat chungchang te, John Williams Hospital tana Donation sum hman dilna chungchang leh Hmangaihna In tana Donation hman dilna chungchang te chu a langsar zualte an ni.

☐ **KTP**

◆ February 16, 2021 kha KTP-in kum 67 a tlin champhaphak a ni a, hemi pual hian Central KTP chuan Hruaina Eng channel kaltlangin LIVE programme a buatsaih.

KTP Day pual programme buatsaih hi P.C Zonuntluangi, Leitan chuan a host a, Pu P.C Lalrinsanga, Central KTP Treasurer-in hunserh hmangin, Upa Rochungnunga, General Secretary chuan KTP chanchin a sawi a, Rev. Vanlalmuanpuia Khiangte, Leader hnen atangin thuchah tawi ngaihthlak a ni. Mizoram Synod Choir, Lalduhsaki, Durtlang, Dawrpui Vengthar Acapella, Israela Pachuau, Bawngkawn Chhimveng, Lallawmawma, Central Jail Veng leh Elizabeth Lalfakawmi, Chanmari te an zai a, Republic Veng Branch KTP ten Faklam an entir bawk.

Programme karlakah hian Rev. Dr. C. Lalhlira, Synod Moderator; Upa Lalrinmuana, Synod Secretary; Rev. Dr. K. Lallawmzuala, Ex-Leader; Upa Zonunmawia, Ex-General Secretary leh Upa Rosangliana, Ex-Asst. Leader te chibai bukna chhiar chhuah a ni.

KTP din duhna hi kum 1950 chho atang khan a lian hle tawh a; kum 1953 khan mi thahnemngaite chuan bul an lo tan tawh a, kum 1954 February 16 khan Synod hriatpuiin din a lo ni ta a ni.

◆ Youth Recreation Centre sak mek, thlen chin leh kalpui zel dan tur chungchanga inhrilhriatna Campaign chu February 20, 2021 (Inrinni) nileng hian YRC-a Tawngtaina Inpuiah Central KTP chuan a buatsaih dawn a. Hetah hian Upa Rochungnunga, General Secretary leh Pu Malsawmkima Royte, Architect ten hun an hmang ang.

Campaign-ah hian Aizawl khaw chhunga Branch aiawh pakhat intirh tura beisei a ni a. Chawhmaah Branch 46, chawhnuah Branch 44 aiawhte kal an kal ang. Kum 2020 October 24 khan campaign hi buatsaih a lo ni tawh a, hemi tuma koh loh zawngte tan tun tumah hian buatsaih leh a ni.

☐ **Synod Mission Board leh ram pawn chet velna**

◆ **Masihi Sangati**

Chhim tuiptui masihi sangati Bial hmalaknain February 9-11, 2021 chhung khan Maubawh hmunah ringthar 39 Lal Isua zui turin an inpe a, February 14, 2021 (Pathianni) khan ringthar 5 Lal Isua zui turin an inpe a, Kohhran dang atangin kan Kohhran-ah inpe an awm bawk.

◆ **Tripura Mission Field**

February 13, 2021 (Inrinni) khan field chhung hmun hrang hrangah ringthar 10 Lal Isua zui turin an inpe.

◆ **Arunachal & Assam Mission Field (North)**

February 14, 2021 (Pathianni) khan ringthar 1 Lal Isua zui turin an inpe.

◆ **Nepal Mission Field**

February 14, 2021 (Pathianni) khan ringthar 2 Lal Isua zui turin an inpe.

◆ **Jharkhand Mission Field**

February 14, 2021 (Pathian) khan field chhung hmun hrang hrangah ringthar 14 Lal Isua zui turin an inpe a, tun dinhmunah Jharkhand Mission Field-ah Kohhran member 8001 an awm tawh.

☐ **MSSU**

February 20 (Inrinni) hi MSSU Day wawi 123-na a ni a. Kohhran tirha Mizorama missionary lo kal hmasa ber Rev. D.E. Jones (Zosaphluia), August 31, 1897-a lo thleng chuan a pianchamphaphak wawi 28-na, February 15, 1898 (Thawhlehi)-a hawn turin Hrianghmun mual, tuna Synod Bookroom leh Synod Press inkar (Zosaphluia building awmna)-ah rap In-in sikul a sa a. Chu sikul-ah chuan February 20, 1898-ah Sunday School a neihpui a. Hei hi Synod 2003:16 na chuan Mizorama Sunday School din tan ni-ah a pawm a ni.

Synod Inkhawmpui 2020 report-a a lan danin MSSU dinhmun tlangpui chu hetiang hi a ni -

Thawktu zat	- 5
Sunday School zat	- 1,032
Zirtirtu	- 46,866
Zirlai	- 3,70,937

☐ **Zin**

February 18 & 19, 2021 chhung hian Home Mission North leh Cachar hmun tlawh turin Mission Board Secretary Rev. C. Zoramawia, BEC member Rev. C. Lalramchhana leh Mission Board Supervisor of School Pu T. Lalchhuangliana te an kal.

☐ **Hruaina Eng FM Radio :**

FEBRUARY 19, 2021 (FM Zoawi - Aizawl & Lunglei @ 7:30 p.m.):

Solo	: Laldusaki - Pathian hmangaih kan hre zo lo
Zaipawl	: Bungkawn Bial Zaipawl - Aw nang i thianghlim si a
Thusawi	: Upa Dr. Lalrintluanga - Thalai nun kaihhruaina
Solo	: Rebek Vanlalpeki Sailo - Hmangaihna lang chhuak
Zaipawl	: Hlimen Bial Zaipawl - Damna Isua.

☐ **Susamachar Prasaran Programme :**

FEBRUARY 21, 2021 (Pathianni) 5:00 pm. :

Group/Choir/Solo	: Himali Kohhran Zaipawl - Isu Mash tere Jeisa Koi Nahi
Group/Choir/Solo	: Sihphir Bial - Yeshu Mashi
Sermon	: Rev. Laltharzuala - Masib hamara Adarsh
Group/Choir/Solo	: Siyon Swaram - Tere Charno
Group/Choir/Solo	: Soni Lalnunsangi - Ashantima

☐ **Moderator leh Executive Secretary-te Programme:**

Rev. Dr. C. Lalhlira : Moderator

Feb. 23 - 25, 2021	SEC meeting
Feb. 28, 2021	Kohhran tlawh - Chhiahtlang Bial

Rev. Lianhmingthanga Sailo : Senior Executive Secretary

Feb. 19 & 20, 2021	Ram enfel - Tuipang
Feb. 23 - 25, 2021	SEC meeting
Feb. 26, 2021	Trust committee meeting


Rev. B. Sangthanga : Executive Secretary

Feb. 21, 2021	Finance Campaign - Lungpho Kohhran
Feb. 23 - 25, 2021	SEC meeting
Feb. 26, 2021	Trust Committee meeting

Rev. K. Lalrinmawia : Executive Secretary

Feb. 22, 2021	Central KṚP & Ramthar BEC meeting
Feb. 23 - 25, 2021	SEC meeting
Feb. 26, 2021	Interserve meeting & Trust Committee meeting

Students' Helpline : 9856883377



Synod Information & Publicity
Phone - 2314648 **Synfo**
Youtube channel : Synod Information